

Gvangjsih Minzcuz Bau

ganhau: CN45-0036 B.2019 Nd.9 Ng.4 liggaeuq geijhah nienz ndwenbet coroek

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3390期

Aen Ban Son'gyauq Sawcuengh Ganbu Minzcungh- vej Hidungj Bi 2019 Youq Namzningz Haiban

Ndwen 8 ngoenz 27 banhaet, Aen Ban Son'gyauq Sawcuengh Ganbu Minzcunghvej Hidungj Bi 2019 youq Gvangjsih Ginhyungz Cizyez Gisuz Yozyen cingqsik haiban. Swcigih Minzcunghvej mizgven cusiz, gak mizgven si, yienh(si) aen bouhmonz guhhong minzcuz cunghgyau saw vah minzcuz, Aen Cungsim Yenzgiu Saw Vah Minzcuz Gvangjsih, Cungguk Minzcuz Yijvwnz Fanhyizgiz, Gvangjsih Minzcuz Bause, Gvangjsih Sam Nyied Sam Cazcise daengj danvih bouhmonz gungh 25 boux bouxhag caeuqfaenh baez son'gyauq neix.

Baez son'gyauq neix youz Swcigih Minzcunghvej cawjbanh, Gvangjsih

Ginhyungz Cizyez Gisuz Yozyen ciepbanh, muzdiz dwg gvancez doeksaed gij cingsaenz 《Fueng'anq Hengzguh Gvangjsih Bouxcuengh Swcigih Gvancez Doeksaed (Gij Yigen Doicaenh Hong Ganbu Dieg Minzcuz Hag Song Vah)》, doidoengh son'gyauq ganbu Cuengh Gun song vah, gyagiengz hwnjguh aen doih vunzcaiz Cuengh Gun song vah, fugsah gij saehnieb saw vah minzcuz hwnghat.

Baez son'gyauq neix guh 36 ngoenz, son daengz ndwen 9 ngoenz 30 sat. doiq gij cingzgvang dingzlai bouxhag mbouj rox Sawcuengh Vahcuengh geijlai, gocwngz neiyungz laebmiz 《Aen Diuzlaeh Hong Saw Vah

Minzcuz Vunznoix Gvangjsih Bouxcuengh Swcigih》daengj cwngcwz fapgvi saw vah minzcuz, yaemvah, fapvah, sawloih Sawcuengh Vahcuengh daengj giekdaej cihsiz, fapgiuj fanhoiz Cuengh hoiz Gun, aenyaenq, baiz daengj fanhoiz giekdaej cihsiz, faensik yawjngonz gij yisuz vwnzva vahgangj conzdungj maenhndei minzcuz vunznoix Gvangjsih daengj, caemhcaiq cingj lauxhangz Sawcuengh Vahcuengh Gvangjsih Sam Nyied Sam Cazcise, Gvangjsih Sawcuengh Hagdangz daengj danvih daeuj hwnjdangz, hawj son'gyauq engq miz cimdoi q caeuq ndei yungh.

(Veiz Cauh)



Gvangjsih Baij Gij Dox- gaiq Ndeiyawj Fwngzguh

Ndwen 8 ngoenz 30, aen canjlanj doxgaiq ndeiyawj canghdingfwnz caeuq doxgaiq gunghyi lijyouz Gvangjsih gunghyi meijsuz cozbij 2019 youq Namzningz Gozci Veicanj Cungsim haidaiz, hozdung guh 4 ngoenz. Gaiq canjlanj neix baijok doxgaiq daih'iek 2 fanh gaiq, langhbaij le canghdingfwnz gak dieg Gvangjsih guhsuq, deu ragfaex, deu nyawh, dajsan daengj dinfwnz conzdungj ndei, langhbaij gij cingzcik cauhamoq cauhamoq doxgaiq miz dinfwnz bi neix daeuj, yinx ndaej haujlai vunz bae yawjngonz. Ndaw doz dwg beixnuengx Bouxcuengh langhbaij buhvaq.

(Yiz Sienghceenz/喻湘泉)

Cungzcoj Si Haiguh Hong Bingzdingh Fazgvanh Cuengh Gun Song Vah

Ndwen 8 ngoenz 21 daengz ngoenz 23, Cungzcoj Si Cungaep Yinzminz Fazyen, Cungzcoj Si Minzcunghvej doiq Fuzsuih, Denhdwngj, Dasinh, Ningzmingz, Lungzcouh, Gyanghcouh daengj 6 boux yenzngwz fazgvanh fazyen, bouxvunz bang dawzfap gauj gij naengzlig yungh Vahcuengh, linghvaih, senj ngoenz bae gauj yenzngwz fazgvanh Bingzsiengz Fazyen, bouxvunz bang dawzfap gij naengzlig yungh Vahcuengh. Baez neix daengx si gungh miz 79 boux yenzngwz fazgvanh caeuq bouxvunz bang dawzfap caeuqfaenh gauj gij naengzlig yungh Vahcuengh hong bingzdingh fazgvanh Cuengh Gun song vah. Hong gauj gij naengzlig yungh Vahcuengh yaek vih doicaenh aen si neix fazyen bingzdingh fazgvanh Cuengh Gun song vah, damqra hwnjguh aen cidu gauj, nyinhdingh ganbu minz Gun song vah dwk roengz giekdaej ndei.

Haiguh hong bingzdingh fazgvanh Cuengh Gun song vah muzdiz dwg gvancez doeksaed Ceiq Sang Yinzminz

Fazyen, Guekgya Minzcuz Swvu Veijyenzvei 《Gij Yigen Mizgven Caenh-ibouh Gyagiengz Caeuq Gaijndei Hong Son'gyauq Fazgvanh Minz Gun Song Vah Dieg Minzcuz》, Ceiq Sang Yinzminz Fazyen 《Gij Banhfap Bingzdingh Fazgvanh Minz Gun Song Vah Dieg Minzcuz Vunznoix》《Aen Diuzlaeh Hong Saw Vah Minzcuz Vunznoix Gvangjsih Bouxcuengh Swcigih》mizgven gvidingh caeuq gij cingsaenz “Aenhoih Doicaenh Hong Bingzdingh Fazgvanh Cuengh Gun Song Vah Daengx Gih” Swcigih Ceiq Sang Yinzminz Fazyen, Swcigih Minzcunghvej bineix ndwen 4 hai haenx. Ndwen 7, Cungzcoj Si Cungaep Yinzminz Fazyen, Cungzcoj Si Minzcunghvej yaenqfat le gij dunghcih 《Fueng'anq Hong Bingzdingh Fazgvanh Cuengh Gun Song Vah Daengx Si Bi 2019》, ndawde hong gauj gij naengzlig yungh Vahcuengh couhwdg Cungzcoj bingzdingh fazgvanh Cuengh Gun song vah yamq youqgaenj ndeu.

Gauj gij naengzlig yungh Vahcuengh dwg dangqnaej gauj. Youz Swcigih Ceiq Sang Yinzminz Fazyen caeuq Swcigih Minzcunghvej dingh gaujsi biucinj caeuq iugouz, yungh Sawgun okdaez, guh mbawgienj, laebguh aen cang daezmoeg gauj gij naengzlig yungh Vahcuengh bingzdingh fazgvanh Cuengh Gun song vah bineix. Mwh gauj, moix aen gaujczangz gunghawj 5 dauq daezmoeg hawj bouxvunz gaujsi gipgaeu aeu dauq ndeu gauj, bouxvunz gaujsi ciuq daezmoeg iugouz baenz daez baenz daez dap. Mbawgienj gauj gij naengzlig yungh Vahcuengh muenxfaen dwg 100 faen, gaujsi neiyungz miz sam bouhfaenh, bouhfaenh daih'it nyinhdoeg sawloih 40 faen(40 aen sawloih, aen faen); bouhfaenh daih-ngeih gangjdoeg coenzvah 30 faen(6 coenz vah, coenz 5 faen); bouhfaenh daihsam daezlwnghangj 30 faen(aen ndeu). Seizgan gauj gungh 15 faen cung, ndawde, 5 faen cung yawj daezmoeg, 10 faen cung dap daez. (Dwng Haijcouh)

SIUSIK DINJ

● Ndwen 8 ngoenz 29, Denzlinz Yen Nungzyez Nungzcunghgiz fat gaeqlwg hawj ranzungzhoj mbanj-gungzhoj bae gapdoi h banggunz haenx, bang-rengz hwnghat vut gungz gunggeng. Ciuq gyoepe-suenq, baez neix fat gaeqlwg 4690 duz, dij cienz 11.8 fanh maenz, miz 153 ranz ranzungzhoj ndaej souh'ik.

(Fangh Cinswng)

● Geij bi neix daeuj, Denhdwngj Yen Cingez Cin gaemdawz seizndei, cinghab swhyenz, yungh diegnamh louz ndwi, haenq-rengz dajcauh aen cehgenh banggunz ndaw mbanj, doenggvaq “byaij okbae” caeuq “cingj haeujdaej” fuengsik dox giethab, gyavaiq doicaenh hanghmoeg doek dieg. Seizneix aen cin neix laebbaenz 4 aen cehgenh banggunz, gunghawj 500 lai aen couhnieb gangjvei hawj vunzlai gungzhoj, vunzhong ndwen souhaej 2000-3500 maenz.

(Bangz Veidingz)

● Geij bi neix daeuj, Sihlinz Yenveij, Yen Cwngfuj gig yawjnaek, aeu gij canjnieb youzczaz dangguh loh cwngci yinvu youqgaenj ndeu, aeu gij canjnieb youzczaz dangguh cinjing banggunz caeuq gij canjnieb hawj vunz-guhnaz baenz miz bienq ak daej guh. Daengz seizneix, daengx yienh suen youzczaz najdieg daengz 10.92 fanh moux, ndawde dawzmak najdieg 5.2 fanh moux.

(Vangz Yenginz)

● Ndwen 8 ngoenz 28, Lingzyinz Yen Swcwngz Cin Ginhbauj Cunh Mbanj-giujgungj nauhyied dangq-maz, vunzlai Yauzczuz doxcomz youq giz haenx, caez bae yawj yienjheiq. Mwh yienjheiq, bouxyienj doenggvaq vaiqbanj 《Cinjing Banggunz Buet Siuj-gangh》, Fwenyauz 《Aeu Soengq Lwg Bae Doegsaw》, diuqfoux 《Mbanj-yauz Gyaeu》daengj, cez-muz ndeiyawj raixcaix, hawj vunz dawzyinx.

(Veiz Fucwng)